

Набий алайҳиссаломнинг уйланган кишига айтган табриклари | Сийрат дарслари (311-дарс)

СИЙРАТ
дарслари 311-дарс

ISLOM.UZ

Сийрат дарслари Шайх Муҳаммад Содик Муҳаммад Юсуф роҳимаҳуллоҳнинг «Бу – Расууллоҳ соллаллоҳу алайҳи васаллам» таржима китоблари ва “Ҳадис ва ҳёт” нинг 19-жузъи асосида берилади. Мавзуларнинг тўлиқ матни билан танишиш учун китобнинг ўзига мурожаат этиш тавсия этилади.

19:00 / 19.12.2024 872

550. Абу Ҳурайра розияллоҳу анҳудан ривоят қилинади:

«Набий соллаллоҳу алайҳи васаллам бирор кишини уйланган пайтида табрикласалар: **«Аллоҳ сенга муборак қилсин, барака берсин ва иккингизнинг орангизни яхшилик билан жам қилсин»**, дер эдилар».

Абу Довуд, Термизий, Ибн Можа ва Ибн Ҳиббон ривоят қилишган.

551. Абдуллоҳ ибн Аббос розияллоҳу анҳумодан ривоят қилинади:

«Набий соллаллоҳу алайҳи васаллам: **«Агар бирингиз ўз аҳлига яқинлик қилишни ирода қилган пайтида: «Бисмиллаҳи. Аллоҳим, биздан шайтонни четда қилгин, бизни ризқлантирган нарсангдан шайтонни четда қилгин», деса, агар ўшандан уларга фарзанд бериладиган бўлса, унга шайтон абадий зарар етказа олмайди»**, дедилар.

Бухорий ва Муслим ривоят қилишган.

552. Абдуллоҳ ибн Умар розияллоҳу анҳумодан ривоят қилинади:

«Расууллоҳ соллаллоҳу алайҳи васаллам шифордан қайтарғанлар. Шифор – ўз қизини бошқа бир кишига у ҳам бунга қизини бериши шарти билан

(никоҳлаб) беришдир. Бунда иккови орасида маҳр бўлмайди».

Бухорий ва Муслим ривоят қилишган.

553. Абдуллоҳ ибн Аббос розияллоҳу анҳумодан ривоят қилинади: «Набий соллаллоҳу алайҳи васалламнинг Ҳамзанинг қизига уйланишларини исташди. Шунда у зот: **«У менга ҳалол бўлмайди, чунки у эмиқдош акамнинг қизидир. Қариндошлиқ туфайли ҳаром бўлганлар эмиқдошлиқ туфайли ҳам ҳаром бўлишади»**, дедилар».

Бухорий ва Муслим ривоят қилишган.

554. Оиша розияллоҳу анҳодан ривоят қилинади:

«Набий соллаллоҳу алайҳи васаллам: **«Бир сўриш ёки икки сўриш ҳаром қилмайди»**, дедилар».

Муслим ривоят қилган.

(Яъни, чақалоқ бегона аёлнинг кўкрагини бир ёки икки марта сўрса, аммо қорнига етгунча эммаса, шаръий эмиш собит бўлмайди. – Тарж.)

Расулуллоҳ соллаллоҳу алайҳи васаллам» китобидан

Ушбу китоб Ўзбекистон Республикаси Дин ишлари бўйича қўмитанинг 2022 йил 30 ноябрдаги 03-07/9078-рақамли хulosasi асосида чоп этилган.